

## DEDICATORIA.

*sublimati: & hoc quidem in initio, processu  
verò temporis docti sunt venditare altaria,  
magistris in hac disciplina videntes idoneis,  
ambitione, & auaritia. Scholares, pueri, &  
impuberes adolescentuli, ob sanguinis digni-  
tatem, promouentur ad Ecclesiasticas digni-  
tates, & de ferula transferuntur ad princi-  
pandum presbyteris, latiores interim, quòd  
virgas euaserint, quã quòd meruerint prin-  
cipatum. Va terra cuius Rex est puer, & cu- Eccles. 10.  
ius principes manè comedunt.*

Cùm verò, honorande senex, nō tan-  
tùm ex quamplurimis integerrimis &  
prestantissimis viris, inter quos Heroes  
ERLACHIOS cùm Durenheimio meo  
reuerenter colo, sæpius intellexerim;  
sed & ipsemet, postquam singulari tua  
beneuolentia me ex Gallijs reducem  
quàm paternè cōplecti, & (vt illustrio-  
ribus animis perpetuò ingenitum,) tes-  
nerrimo amore huc usque profequi vo-  
luisti, satis superque ipso opere exper-  
tus sim, quantopere tibi Ecclesiæ salus  
& incrementum cordi sit; teque totum  
post publica Patriæ negotia, huiusce-  
modi pijs meditationibus & studijs de-  
deris; (vtpote qui non tibi soli, vt mul-

):( ):(